

Na osnovu člana 16. stav (4). Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman VI Kluba poslanika DF-a u Skupštini Zeničko-dobojskog kantona na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj dana 22.02.2018. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman VI Kluba poslanika DF-a u Skupštini Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman VI upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje,
nauku, kulturu i sport;

1x Stručna služba Vlade;

1x Stručna služba Skupštine;

1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Klub poslanika DF-a u Skupštini Zeničko-dobojskog kantona podnio je Amandman VI na Prijedlog Zakona o osnovnoj školi:

U članu 40. Prijedloga Zakona o osnovnoj školi, dodaje se novi stav (4) koji glasi:

„Član 40.

(Udžbenici i nastavna sredstva u osnovnoj školi)

(2) Škole su dužne poduzeti sve raspoložive mjere kako masa školske torbe sa udžbenicima, sveskama i drugim obaveznim priborom koje su učenici obavezni nositi, ne prelaze 10% prosječne mase učenika za dati uzrast.“

Stoga se predlaže neprihvatanje Amandmana VI iz razloga što obim i sadržaj Nastavnih planova i programa za pojedini razred u osnovnim školama predviđa korištenje udžbenika i ostalog pribora potrebnog za realizaciju istog, te napominjemo da su osnovne škole od Ministarstva za obrazovanje, nauku, kulturu i sport i Pedagoškog zavoda Zenica dobile Uputstvo da u okviru svojih nadležnosti preduzmu sve organizacione aktivnosti i da su dužne primijeniti standarde Međunarodne zdravstvene organizacije kojima je regulisano ovo pitanje. Ujedno podsjećamo da će se u narednom periodu, a u skladu sa raspoloživim finansijskim sredstvima pratiti savremeni trendovi unapređenja rada i učenja, sa radnim udžbenicima, a bez potrebe nošenja više pisanog materijala (udžbenici, radne sveske, zbirke zadataka) po jednom nastavnom predmetu.